

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-5358/13 Općinski načelnik
30. septembra 2014. godine **Dževad Bećirević, s. r.**

Napomena: Objavljeno na oglasnoj ploči Općine Centar dana 30.09.2014. godine

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinski načelnik, dana 09. oktobra 2014. godine, verificovao je i donio

ODLUKU

**O KOREKCIJI REGULACIONOG PLANA
"JAGOMIR I"**

(Stambeni objekat u ulici Nahorevska - Lamela A)

Član 1.

Utvrđuje se korekcija Regulacionog plana "Jagomir I" (u daljem tekstu: korekcija Plana), "Službene novine Kantona Sarajevo" broj 20/09.

Član 2.

Predmet Korekcije Plana je izmjena u pogledu vertikalnog gabarita stambenog objekta - Lamela A u Ul. Nahorevska koji se nalazi na parcelama k.č. 287/5 i dio 287/1, K.O. Sarajevo V, Općina Centar, bez promjena u horizontalnim gabaritima i planiranoj parcelaciji, prema vlasničkom stanju i prostornim mogućnostima, a u skladu sa sljedećim urbanističko-tehničkim uslovima:

- da se spratnost Lamele A povećava za jednu etažu i sada je S+P+6 (suteran, prizemlje i šest spratova).
- da tlocrtna površina, ostaje identična onoj definisanoj važećim Regulacionim planom "Jagomir I", ("Službene novine Kantona Sarajevo", broj 20/09) i prethodno usvojenim Korekcijama koje su njegov sastavni dio.
- Ostali urbanističko-tehnički uslovi za objekat i parcelu, u svemu u skladu sa grafičkim prilogom: Urbanističko i

saobraćajno rješenje (list br. 2), i grafičkim prilogima iz Projekta stambeno-poslovnih objekata firme "SA REAL" d.o.o Sarajevo (projektant: Argentaria d.o.o. Sarajevo), koji se nalaze u prilogu ove Korekcije i čine njen sastavni dio.

Član 3.

Korekcija plana sastoji se iz tekstualnog dijela i grafičkih priloga (grafički prilog Izvod iz R.P. "Jagomir I"- "Urbanističko rješenje", 1:2500 sa naznačenim predmetom korekcije i grafički prilog Korekcija R.P."Jagomir I"- "Urbanističko i saobraćajno rješenje", R 1:1000) na kojima je prikazana korekcija Plana. Sastavni dio korekcije su i grafički prilozi iz Projekta stambeno-poslovnih objekata firme "SA REAL" d.o.o Sarajevo (projektant: Argentaria.d.o.o. Sarajevo).

Tekstualni dio i grafički prilozi korekcije Plana, sastavni su dio Regulacionog plana "Jagomir I" ("Službene novine Kantona Sarajevo", broj 20/09).

Član 4.

Po jedan primjerak ovjerene Korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i Ministarstvu prostornog uređenja i zaštite okoliša Kantona Sarajevo.

Član 5.

Korekcija Plana je rađena za fazu urbanizma, a obaveza investitora je da za faze komunalne infrastrukture i saobraćaja, izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Jagomir I", te da pribavi saglasnosti nadležnih javnih komunalnih preduzeća.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-1357/13 Općinski načelnik
09. oktobra 2014. godine **Dževad Bećirević, s. r.**

Napomena: Objavljeno na oglasnoj ploči Općine Centar dana 09.10.2014. godine.

OPĆINA NOVI GRAD SARAJEVO

Općinsko vijeće

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 37. Zakona o budžetima u Federaciji Bosne i Hercegovine ("Službene novine Federacije BiH", broj 102/13), i člana 33. stav 5. Statuta Općine Novi Grad Sarajevo ("Službene novine Kantona Sarajevo" broj 30/09 - Novi prečišćeni tekst), Općinsko vijeće Novi Grad Sarajevo, na 20. sjednici, održanoj dana 30.09.2014. godine donijelo je

IZMJENE I DOPUNE

**BUDŽETA OPĆINE NOVI GRAD SARAJEVO ZA
2014. GODINU**

Član 1.

U Budžetu Općine Novi Grad Sarajevo za 2014. godinu ("Službene novine Kantona Sarajevo", broj 2/14) u članu 1. broj

"26.594.000,00 KM" zamjenjuje se brojem "29.727.000,00" KM.

Član 2.

U Budžetu Općine Novi Grad Sarajevo za 2014. godinu ("Službene novine Kantona Sarajevo", broj 2/14) član 2. i Izmjenama i dopunama Budžeta Općine Novi Grad Sarajevo za 2014. godinu ("Službene novine Kantona Sarajevo", broj 23/14) član 1. mijenja se i glasi:

Prihodi i izdaci po grupama utvrđuju se u bilansu prihoda i izdataka za 2014. godinu kako slijedi: